



**KENYATAAN MEDIA
YB SETIAUSAHA KERAJAAN PAHANG**

PROGRAM HIMPUNAN PAHANG BERMUNAJAT RAJA BERDAULAT

1. Kerajaan Negeri akan menganjurkan satu program yang bertujuan menunjukkan solidariti Rakyat Pahang kepada Institusi Diraja Pahang.
2. Program ini merupakan manifestasi kepada penyatuan rakyat Negeri Pahang yang bernaung di bawah Kebawah Duli Paduka Baginda Sultan Pahang tanpa mengira latar belakang kaum, agama dan juga fahaman politik.
3. Program ini akan diadakan pada 27 Februari 2025 (Khamis) bermula jam 7.00 petang di Masjid Negeri dan dimulai dengan solat maghrib, solat hajat, bacaan yasin, doa selamat dan solat isya'.
4. Seterusnya, program akan diteruskan di padang MBK1 dengan ceramah oleh Timbalan Mufti Negeri Pahang -YH.Dato' Haji Badli Shah Bin Alauddin .
5. Kebawah Duli Paduka Baginda Sultan Pahang turut berkenan berangkat bercemar duli menghadiri program di Masjid Negeri.
6. Orang ramai dijemput hadir dan digalakkan memakai pakaian kebangsaan. Sebarang pakaian yang berlambangkan atau mewakili mana-mana parti politik adalah tidak dibenarkan.
7. Polis Diraja Malaysia (PDRM) Kontinjen Pahang bertanggungjawab sepenuhnya terhadap kawalan keselamatan sepanjang program ini berlangsung dan orang ramai diminta tidak menimbulkan sebarang provokasi yang boleh mencetuskan suasana yang tidak harmoni.
8. Kerajaan Negeri berharap agar pelaksanaan program ini akan mencapai objektif penyatuan rakyat dalam memartabatkan institusi Raja Berdaulat di Negeri Pahang Darul Makmur.

Semoga usaha murni ini mendapat keberkatan Allah SWT.

Sekian, terima kasih

DATO' SRI HAJI ZULKIFLI BIN HAJI YAACOB
SETIAUSAHA KERAJAAN PAHANG
25 Februari 2025